



INTRODUCZIUN

DA Marcel Köhle

Igl evangeli da questa dumengia tematisescha la fin dil mund cun maletgs stermentus. Era sche nus savein che las steilas crodan buca semplamein aschia giu da tschiel, fa quei text tuttina endamen che tut vegn inaga ad haver ina fin, era nossa veta humana.

A quei maletg da finitadad vegn in auter cunterponius: il maletg dil «Fegl dil carstgaun» che vegn en nies mund finit e porta cheu salvament als carstgauns.

Malgrad tut ils maletgs apocaliptics eis ei in evangeli da speranza: en tut il stgir da nies mund cun sias temas, malsegirtads e catastofas, ha Dieus dau a nus ina glisch da speranza ch'ei vegnida veseivla en Jesus Cristus. Tenor igl evangelist eis el il garant che tut anfla in buna finiziun.

EVANGELI

Mc 13,24–32

²⁴Mo lezs dis, suenter quella tribulaziun, vegn il sulegl a sestgirentar, la glina vegn a piarder siu clar, ²⁵las steilas vegnan a curdar giu da tschiel, e las forzas dil tschiel vegnan zaccudidas. ²⁶E lu vegn ins a veser il Fegl dil carstgaun a vegnend sin las neblas cun gronda pussonza e maiestad. ²⁷E lu vegn el a tarmetter ils aunghels e rimnar ses eligi dallas quater varts dil mund, dil cunfin dalla tiara al cunfin dil tschiel.

²⁸Dil figher empredei la semeglia: Cura che sia roma ha schit e sia feglia catscha, saveis vus che la stad ei damaneivel. ²⁹Aschia era vus: Cura che vus veseis quei, saveis vus ch'El ei damaneivel, gest avon porta. ³⁰En ver Paid, jeu ditgel a vus: Questa generaziun vegn buc a svanir, avon che tut quei daventi. ³¹Tschiel e tiara vegnan a svanir, mo mes plaid vegnan buc a svanir.

³²Gliez di ni lezz'ura negin ch'enconuscha, ni ils aunghels dil tschiel, ni il Fegl, sulettamein il Bab.